

UDK/UDs 026.07(497) Nacionalna i univerzitetska biblioteka BiH

# Obnavljanje Slavističke zbirke, važan segment u strateškom razvoju Nacionalne i univerzitetske biblioteke Bosne i Hercegovine

## Dr. Ismet Ovčina

Nacionalna i univerzitetska biblioteka Bosne i Hercegovine, Sarajevo

Nalazeći se na čelu Nacionalne i univerzitetske biblioteke Bosne i Hercegovine, institucije koja predstavlja i čuva univerzalno ljudsko znanje, želim istaći da je obnova Slavističke zbirke veoma važan segment u strategiji njenog razvoja. Posebna uloga Nacionalne i univerzitetske biblioteke Bosne i Hercegovine je izgradnja i održavanje bibliotečko-informacionog sistema Bosne i Hercegovine, ali i obnova i očuvanje razorenih kolekcija. Na pitanje o stanju fondova prije tragičnog razaranja Vijećnice 1992. godine i danas, gotovo je nemoguće odgovoriti, s obzirom na činjenicu da su katalozi i inventarne knjige u potpunosti uništene. Moguće je samo orijentaciono procijeniti stanje fondova u prijeratnom periodu.

Neriješen status, finansiranje i rad u potpuno neadekvatnom prostoru, najkrupniji su problemi sa kojima se susreće Nacionalna i univerzitetska biblioteka Bosne i Hercegovine.

Unatoč tome, uz ogromno zalaganje kolektiva i menadžmenta, NUBBiH je u cjelosti

obnovila svoju nacionalnu i univerzitetsku funkciju i u potpunosti ispunjava svoje zakonske zadaće, a realizira i brojne projekte s ciljem poboljšanja naučno-istraživačke infrastrukture u BiH, praćenja savremenih tokova i izgradnje civilnog društva baziranog na znanju.

Slavistička zbirka jedna je od nepovratno izgubljenih dragocjenosti NUBBiH. Od osnivanja ove biblioteke do 1992. godine, sve središnje biblioteke republika bivše Jugoslavije razmjenjivale su obavezni primjerak cjelokupne štampane produkcije, što je predstavljalo značajan priliv bibliotečke građe NUBBiH.

Također, različitim vidovima nabavke (poklon, razmjena, kupovina i sl.) iz zemalja jugoistočne Evrope pristizale su najrepresantivnije publikacije.

Obnova ove značajne kolekcije će svakako biti dugoročni strateški zadatak za NUBBiH, a za čije ispunjenje već postoje osnovne pretpostavke: želja, profesionalni resursi i izuzetno dobra saradnja sa

Nacionalnom i sveučilišnom knjižnicom u Zagrebu, Narodnom bibliotekom Srbije, Narodnom in univerzitetnom knjižnicom u Ljubljani, Narodnom i univerzitetnom bibliotekom "Sv. Kliment Ohridski" u Skopju, s entralnom narodnom bibliotekom "Đurđe s rnojević" na s etinju, Državnom bibliotekom Ruske Federacije, Narodnom

knihovnom ČR, Slovenskom knihovnom i Bibliotekom Klementinum u Pragu.

Nadamo se da će se ovakva saradnja uspješno nastaviti, ali i proširiti i da će Slavistička zbirka ponovo zauzeti mjesto koje joj pripada u Nacionalnoj i univerzitetnoj biblioteci Bosne i Hercegovine.



**DHL INTERNATIONAL d.o.o. Sarajevo**

Džemala Bijedića 166a  
71 000 Sarajevo  
Bosnia and Herzegovina  
<http://dhl.ba>

**DHL EXPRESS has a secure and fast worldwide  
delivery of books, magazines, and newspapers**